

Per trutgs e pitgognas dals 16-09-2011

Proposta da Joachim Wasescha

Sin ils fastizs da Giovanni Segantini

Savognin posta - via Segantini - via Tgaplottas - pt. 1375 - Rudnal - Crap Alv pt. 1793 - Niva pt. 1927 - Nassegl - Tusaun - pts. 1773 e 1592 - Savognin

Durada:	ca. 4 ½ uras
Differenza d'atezza:	ca. 850 meters
Lunghezza:	11 km

Ruta:

Giovanni Segantini ha vivì cun sia famiglia a Savognin dal 1886 – 1894 ed ha stgaffi qua bleras ovras da muntada mundiala ed uschia purtà ora nossa bella cuntrada en l'entir mund. Durant la stad lavorava el savens a Tusaun nua ch'ins chatta oz in crap commemorativ cun la sequenta inscripziun: "Qui guardavo le superbe catene dei monti con la speranza di conquistarle".

Ins parta davent da la posta, passa la via Segantini nua che la chasa Peterelli sa chatta, en la quala el ha vivì cun sia famiglia. La via da las Tgaplottas main'ins cunter il gaud. Ins passa il reservuar d'aua e va cunter las aclas da Rudnal. Vinavant vai sin in trutg fin pt. 1592 nua ch'in mussavias inditgescha la dretga via cunter Crap Alv e la Niva per finalmain arrivar a Nassegl cun in bel lajet in pau zuppads. Avant ch'ir giu a Tusaun vali la paina dad ir fin tar il crap commemorativ nua ch'ins sa far ina bella pausa e giudair ina vista extendida giu la val e las bellas muntognas da Surses e pli lunsch. Sin ina via bain marcada pass'ins las aclas da Tusaun e turna puspè al lieu da partenza.